

FORTUNA LECHIAE

*Themidis munita gladiò
Sub Judiciorum Securitate*

TRIUMPHANS.

In
CELSISSIMO TRIBUNALI REGNI
ILLUSTRISSIMIS REVERENDISSIMIS
ILLUSTRISSIMIS EXCELLENTISSIMIS
DOMINIS DOMINIS,

Utriusque COLLEGII

JUDICIBUS DEPUTATIS,

Ad Solennem AREOPAGI Majoris Poloniae, ingressum
Cultu Salutatorio

A D O R A T A.

AB

Excurrente in applausus pedissequa Suada
Collegij Petricoviensis Soc. JESU.

A N N O

Triumphantis in Carne humana DEI Judicis 1739.



C A L I S S I J

Typis S.R.M. in Collegio Societatis JESU.

C E L S I S S I M U S
E X C E L L E N T I S S I M U S
I L L U S T R I S S I M U S

Et
R E V E R E N D I S S I M U S

D O M I N U S,
D. STANISLAUS KOSTKA
MIASKOWSKI,

CANONICUS GNESNENSIS,
CANCELLARIUS CRACOVENSIS,
PRÆPOSITUS PLOCENSIS,
DUX SIELONENSIS,
PRIMICERIUS SANDOMIRIENSIS,

P R Æ S I D E N S.

58 95 42 III

Mag. Sr. Dr.

TRIBUNALIS REGNI.

I L L U S T R I S S I M U S
E X C E L L E N T I S S I M U S
D O M I N U S

D. STANISLAUS
SŁUGOCKI,

DAPIFER Terræ Chelmenfis,
CAPITANEUS Łojovienfis,

TRIBUNALIS REGNI
M A R E S C H A L C U S.

COLLEGIUM SPIRITUALE.

Ex Capitulo Gnesnensi.

Illustrissimus Reverend. DD. JOSEPHUS IWANSKI,
Canonicus Gnesnensis, Præpositus Czarnkoviensis Vice-
PRÆSIDENS TRIBUNALIS REGNI.

Ex Capitulo Leopoliensi.

Illustr. Reverend. DD. SAMUEL GŁOWINSKI, Episco-
pus Hebronensis, Suffraganeus Leopoliensis.

Ex Capitulo Cracoviensi.

Illustr. Reverend. DD. STANISLAUS KRĘSKI, Cantor
Cathedralis Cracoviensis.

Illustr. Rev. DD. MICHAEL TRZEBINSKI. Canoni-
cus Cracoviensis.

Ex Capitulo Vladislaviensi.

Illustr. Rev. DD. JOANNES MIŁACZEWSKI, Cano-
nicus Vladislaviensis.

Ex Capitulo Poseniensi.

Illustr. Rev. DD. ADAMUS OPALINSKI, Canonicus
Posnaniensis.

Ex Capitulo Plocensi.

Illustr. Rev. DD. ALEXANDER MOKRANOWSKI,
Canonicus Plocensis.

Ex Capitulo Luceoriensi.

Illustr. Rev. DD. ADALBERTUS DŁUSKI, Canoni-
cus Luceoriensis.

Ex Capitulo Culmensi.

Illustr. Rev. DD. FABIANUS PLASKOWSKI, Canoni-
cus Culmenensis, Præpositus Sztumensis, Officialis Ma-
riæburgensis.

Ex Capitulo Chełmensi.

Illustr. Rev. DD. ANTONIUS POPLAWSKI, Deca-
nus Chełmensis.

Ex Capitulo Kijoviensi.

Illustr. Rev. ADALBERTUS JOSEPHUS de Jakubovi-
ce Toporczyk JAKUBOWSKI, Canonicus & Judex
Surrogatus Kijoviensis.

COLLEGIUM SÆCULARE

Ex Palatinatu Cracoviensi.

Illustrissimus Excell. DD. STANISLAUS KOSTKAŁE-
TOWSKI, Subdapifer Cracoviensis, Judex Castren-
s Biecenſis.

Illustr. Exc. DD. FRANCISCUS PISARSKI, Capitane-
us Olbromenſis.

Ex Palatinatu Syradienſi.

Illustr. Exc. DD. STANISLAUS POKŁĘKOWSKI, No-
tarius Castrenſis Syradienſis.

Illustr. Excel. ANTONIUS CZAYKOWSKI, Theſau-
rarius Lancicienſis.

Ex Terra Vielunenſi.

Illustr. Excel. DD. VLADISLAUS KRAKOWSKI Tri-
bunus Vielunenſis.

Ex Palatinatu Lancicienſi.

Illustr. Excell. DD. FRANCISCUS WILKANOWSKI,
Notarius Terreſtris Lancicienſis.

Illustr. Excel. DD. STANISLAUS MOROCHOWSKI,
Notarius Castrenſis Lancicienſis.

Ex Palatinatu Kijoviensi.

Illustr. Excel. DD. NICODEMUS CASIMIRUS in Szum-
ſko WORONICZ, Vexillifer Ovrucenſis, Capitaneus
Oſtrzcen: Vice-Palatinus Judicialis Generalatus Kijov.

Ex Palatinatu Wołhyniæ.

Illustr. Excel. DD. LUDOVICUS PODHORODYN-
SKI, Notarius Castrenſis Volodimirienſis.

Ex Palatinatu Podoliæ.

Illuſ. Exc. DD. MICHAEL ŁOS, Vexillifer Czerwonogro.
Illustr. Excel. DD. MATHÆUS MARKOWSKI, No-
tarius Terreſtris Podoliæ Capitaneus Dzwinogrodenſis

Ex Palatinatu Ravenſi.

Illustr. Excel. DD. STANISLAUS SKARZYNSKI, Tri-
bunus Goſtynenſis.

Illustr. Exc. DD. CASIMIRUS BRATOSZEWSKI, Judex Castren-
ſis Goſtynenſis. *Ex Palatinatu Pomeraniæ.*

Illustr. Excel. DD. PAULUS de Lubrańiec DABSKI, Vexillifer Bre-
ſtenſis Cujaviæ. *Ex Palatinatu Czerniechoviæ.*

Illustr. Excel. DD. JOSEPHUS de Skrzyńno Dunin KARWICKI,
Pincerna Opocnenſis. (CEL-

CELSISSIMI EXCELLENTISSIMI JUDICES DEPUTATI.

Postquam diem ad cultus Vestros noctibus dixistis Atticis, postquam è purpureo alti Sanguinis Oceano Cælo Lechicæ exorti Astræe Soles; nativi splendoris radiò eruditas traxistis in obsequium atomos; Cum his etiam Tullius, Vestro se se insinuat conspectui; sivè quòd à Vobis Planetæ Principes; projecta umbra sit, sivè quòd in arena literaria vix atomi adæquet Nomen; Vestræ alti passûs adhærentis plantæ. Consciùs ille quantum nuper Oratoriæ lingvæ licentiâ (si Oratoria dici potest quæ licentiosa est) in Vestram peccavit Majestatem, quantum demeritus quòd Causæ Honoris Vestri meritum non secundû evidens cuiusque Gloriæ documentum induxerit, quod Deorum id est Vestrum Magni JUDICES Capitolium profanus Orator [si profana dicenda est quâ numina coluntur Oratio] subintravit. Tandem metu corripitur. Et qui nuper erubuit ad Purpuras, hodie pallet in pagina. Ac jam à se ipso convictus sceleris, proprio intra periodorum ambitus detinetur carcere. Jam ad typi damnatus tormenta læsæ Vice-Regiæ Majestatis Vestræ reus probatur. Jam sub illo pressuræ Cruciatus ingenuè confessus temeritatem, quod peccante contra artem linguâ Sacrum Themidis.

Nomen profanârit; Dîs ipsis (ubi Oratoris pro Vestra Domo non implevit munus) detraxerit. Fatetur ad elogia Vestri, incultæ Suadæ crimina: si crimen est! Cælos digitò tangi non posse; Immensos Oceani fluctus exili vasculò non concludi; Numina comprehensivè (nisi à se ipsis) non cognesci, Neq; Stylum aptari posse ad summam Gloriæ Vestræ elevationem! Excessistis enim ingenium Oratoris excessuum vindices, longè magis quàm suum Gratiani Ausonium, Alexandri Curtium, Trajani Plinium, Theodosij Pacatum; Ex omni Cæsares etiam Suadæ Principis superastis elogia. Et certè calamistylum (etiamsi omne acumen in Honoris Vestri puncto exerat) atteri necesse est, reptare eloquentiæ sublimitatem. Ultra noctes ergo Atticas soles Illustrissimi sublimiꝝ processistis, & omne Oratorii styli circuitū unicò passu (nè dicam triumphali in Areopagum ingressu Vestro) superastis; Supra omne elevatioris dictionis fastigium constitistis, ipsi Elogiorum apex & summa. Nulla ergo Vos Suadæ subtilitas attingit, nulli periodorum Capiunt ambitus, quorū Gloriæ universa Polonia Campus est, digni quos loquantur Sydera, aut sol conscribat radiò. Neq; tamen ideo laudari desinūt Numina, quia nunquam laudantur satis, nec desperat Templis inferri Oratio quia DEO indigna. Non inficior leve folium esse quod devoveo; & ventò raperetur priusquam populari acceptum aurâ, nisi Nōmine Vestro pondus adderetis. Deformis esset Panegyris istius facies ut pote sapiæ concolor, nisi Vestris splenderet vultibus Illustrissimis. Admittite igitur non jam indignos Tullij conatus, sed Nominis Vestri Majestatem, minùs cultò Apelle calamo depictam. Incultam paginam dedignari potestis saturi Gloriæ ad delictum, ast Nomina Vestra repudiare, abnegare a vitæ pretia, execrari Honores nullatenus. Nihil de novo accedet Perfectioni Vestræ Magna Polonia Numina, si Gloria Vestra Vobis identica ad Vos veniat. Si Vos Ipsi quodāmodo in pagina velut soles crystallo replicati Vobis sub aspectum veniatis, Venit interim, & cum hac brevi Gloriæ Vestræ mappa, (pro Domo Vestra Orator) procumbit, quàm plantis dedicat.

CELSISSIMI TRIBUNALIS VESTRI,
ILLUSTRISSIMORUM JUDICUM
DOMINORUM & MECÆNATUM.

Mancipatissimus

Josephus Thad. Werenko Soc: JESU.



Uantum Mars & Bellona, Lechicæ Themidis
 deferat gladio? palam est post quàm Sarmati-
 cis turbata è limitibus, exul ab Imperio, de
 Lunæ Othomanicæ præcipitata Cœlo, totò
 ventilata Aquilone, Orbe Europæo proscrip-
 ta pax, ho-
 die, ab exitij liminibus; ad Astrææ Sacram Urbem hanc;
 imò Orbem penè integrum, redit vobiscum: Inter bello-
 rum fulmina ad Vice-Regium diadema nati uniones, id est
 sub vicinam armorum tempestatem electi **JUDICES**
Celsissimi Illustr: Reverend. Excell: Bellageri placuit ha-
 tenus aliis, ferreæ cudebantur leges alibi, nec nisi Vulcani
 Steropesque erant; qui inter armorum strepitus causas tu-
 tarentur miserorum, [si ruinæ tutari possunt!] Martius
 plerumque enim ad bellicæ clangorem tubæ audie-
 batur stylus in legionum advocatis, vulneribûs inci-
 sa, belli fulminibûs verba constabant, per terrarum am-
 bitus rotati enses pro periodis, & in Europæ causa ferreus
 perorabat stridor qui alterutrius Partis sortem proderet
 damnatam. Ita bellorum Numen, ferreas allisæ inter
 incudem & malleum Fortunæ ponebat leges, ita pro The-
 midis Regno dominabatur alibi. Et nostra Martem nu-
 per exterum salutavit Podolia, utinam non casurò in a-
 dorationem avitò veneratura sole, Chotimensis Lunæ
 æmulata casum! Postquam enim totum Europæ Taurum
 novus Phalaris Mars succendisset, post quàm Imperatri-
 ces Aquilæ, aves factæ incendiariæ, post quam bellico suc-
 censa æstu Othomanis Cynthia urbibus & Provinciis quā-
 dam

Alluditur ad
 famam de Pa-
 tris Conventis
 inter Imperiū
 & Portā, quæ
 sub tempus in-
 gressus Celsi:
 Tribunalis in-
 notuit.

dam incendiis causasset tempestatem, etiam proximus arsit Ucalegon, etiam Sol Podoliæ in flammis actus utinam tot ignibus non extinguendus. Sed quotus ego ut coram Achille de armis dicerem? Patres Patriæ, Statores Joves, non peregrinos in Patria alloquor ut Vos Status (quis quis ille sit) Regni Vestri lateat. Fatorum proinde Providentiam consulere, eventus autumare, ex bellorum præmissis, sortis consequentiam inferre liceat? Ergo certè aut inter arma silebunt Leges? & importuno Marte superbiat, audebitque impune nefas? aut procul dubio exundantè malorum naufragiòmersa succumbet Patria? Minimè! Est pro Troja Hector, Annibal pro Carthagine Alexander stabat pro Tyro ne caderet, Lechica verò Themis Polono contra Martem Orbi Numen est Tutelare, ut jam subscribam vati Orator: *Et perimente DEO, fert DEUS alter opem.* Nimirum à Cælo desumptum Astræ Nomen, nunquam non amicum polo Poloniæ. Jam verò Themidem stipantes velut Solem Sydera, Vos Civium salus, Lechiæ securitas, felicitas universi, pectora Vestra, mænia sunt Sparthanis fortiora. Ac si igitur robur præsensissent istud, cedunt arma Vestræ togæ. Et rigidior fama illa quæ nuper Gradivum minabatur; hodie Jani Templum clausum ad pacem inclinata omnia, gestiens ore vulgavit plenò; postquam Vos Pacati Pacatoresque Lechicæ astræ subintrastis Capitolium. Ut jam Sorti omnium cum Vate applaudam.

*Jam minæ Sævi cecidère belli
Jam profanatis malè pulsa terris
Et salus & pax niveis revisit.*

Oppida bigis.

Sarbievius.

Talis nimirum Themidis Vestræ ingressus Judices Illustrissimi esse debuit ut Mars ipse adornaret pompam. Vindici Scelerum Numini Aram ex Trophæis erigeret sui furoris domitor, Triumphator de se ipso Gradivus. Aliter subintrare Urbem hanc in Vobis Justitia haud potuit nisi illi pax obviasset, ac eodem passu Orbis tranquillitas, Lechiæ felicitas spes & solatia omnium incederent. Animastis emortuam penè rerum faciem ipsi Cor & anima

nima Poloniæ, postquam publicæ prosperitatis illuxistis
prodromi, non aliter quam si aurora Cœli Sarmatici esse-
tis, horas aureas, dies ominati sinè nube optatissimos,
procellarum turbine expeditos, Quæ cum ita sint, lon-
gâ malorum tempestate motos præstat componere fluctu,
Vestri enim ingressum melior fortuna sequuta est. Jam
pro fulminum Ministris Aquilis, nidum sternit Alcyones
Gradivi refedit furor. Europæ turbidum, proximè redit
ad malaciam, & vel eo ipso spes assurgunt Polonæ. Adeo
prosper & festivus adventus Vester est, ut eodem Vos
Cultu quo & Fortunam Lechiæ, Themidis gladio ac Ve-
stris munitam pectoribûs, etiam inter armorum strepi-
tus securissimam, inter pericula triumphantem in Vo-
bis adorem. Cum sole novo, cum grandibus Domûs
Tuæ Astris, coronatô claram sydere subintrasti nuper
urbem hanc Celsissime STANISLAE KOSTKA MIA-
SKOWSKI, Gnesnensis Canonice, Cancellarie Cracovi-
ensis, Præposite Plocensis, Dux Sielonensis, Primicerie
TRIBUNALIS REGNI PRÆSIDENS Illustrissime Ex-
cellentissime Reverendissime. Princeps Astrorum æ-
mulatus es luminare, non aliter majoris Sarmatiæ exor-
tus Polo nisi vultum serenasses Patriæ, quæque sibi pro-
spera de Tuorum aspectu Syderum ominantis. Tetricas
hæc non pavebit noctes, cum & Avita Luna dabit lumen
suum, & Nominis Tui splendor accendat meridiem. Tu
verò è Vice-Regia Majestate, velut è Stellarum firma-
mento primum sydus, diem è mandato Judicij dicturus
es tenebris si quæ sub Tuorum Splendorum securitate,
Polo cognatam, invaderent Poloniam. Nôrunt fau-
stissimos syderum Tuorum influxus in Principe Archi-
Diœcesi Illustrissimi Gnesnensis Capituli Avita *Lilia* flo-
rum, & Diœcesium Reges. Evolvent hæc perennatu-
ræ ætati folia, Tuo inscripta Nômine; donec post violas
Ecclesiastico Te rubrô festivior annotet Dignitas, inter
Purpuratos conscriptosque Ecclesiæ Patres relatura. Et
me Vate: Facies Liliorum illa [quibus nuper Gnesnen-
sis ADMINISTRATOR velut Rex Florum præeras]
in Sacrum rubebit muricem, vel inter alia [si Plinio dan-
da fides] ut Leones tygridesque Lechico Reipublicæ in-
fensi

fenſi corpori, colore hoc è Tuiſ renidente humeris à ſua
arceantur feritate Neque mortale eſt quod opto; tra-
xiſti Dignitatum Eminentias Sanguinis nexu in Celſiſſi-
mo ac Eminentiſſimo Illuſtriſſimo Reverendiſſimo LI-
PSKI S.R.E. Cardinali, Cracoviendiſ Antitiſte. Illuſtriſ-
ſimâ ille BARBARA de MIAſKOWIIS Matre, id eſt Po-
lonâ Pulcheriâ natus Pater Patriæ, multarum Gratiarû
JOANNES trabeis concolorem ab hac accepit Sangu-
nem, ut olim vernaret in roſis & viola, Purpuratorum ad
præſens Patrum decus & corona. Annulo Piſcatoris
non fruſtra hæc Sanguinis Tui gemma inſerta eſt, certè
illo Tuum Romano deſponſaturâ Orbi Nomen, ut ipſe
tandem Fortunam agas Sarmatiæ in Cardinalium Rota.
Et ab illo Quirini Vice-Chriſti pectore, in quo nuper
JOANNES Honoris Eminentia, recubuit: etiam ſupe-
rum deliciæ STANISLAUS KOSTKA non excludaris,
ad Caput Orbis, futurus cor & anima Poloniæ. Nec ua-
nus Augur ego: implevit hodiè Avitus MIAſKOW-
• SCIORUM Unicornis Aram Juſtitia, implebit expecta-
tiones de ſe omnium & Vota apprecantis Suadæ.

Antequàm Themidis ſubintrares Regiam, jam ſe ſe
Tibi triumphalem ſinuavit in Arcum, Avita *Solea* Illu-
ſtriſſime & Excellentiſſime STANISLAE SLUGOCKI,
Dapifer Terræ Chelmenſis Capitaneæ Lojoviendiſ, TRI-
BUNALIS REGNI MAREſCHALCE. Quid mirum?
Omnium amoris & cor omnium, ita Triumphatorem
animorum ingredi decuit Poloniæ Capitolium. Quan-
tum Heroi animo Tuo Religio, Leges Patriæ, Civium
ſalus, omnium debeat integritas? noſſe poteſt, non com-
penſare Lechia; qui altis Soleæ Tuæ paſſibûs longè præ-
mii magnitudinem exceſſiſti. Dederas nuper ſub Inter-
regno Acephalæ Sarmatiæ, ſpecimē virtutis Tuæ cataphra-
ctæ Heros; Dici poteras Atlas Cæli Sarmatici, qui (ac ſi
Tui folius humeris moles univerſa incumberet) ita pro
Libertate decertâſti. Et prius fulcrum videbaris Patriæ,
antequam præſentis ſtubæ Mareſchalcus, Romano Scipio-
ne non inferior ſalutareris. Illud verò Elogii Tui ſum-
ma eſt: quòd ubi alii Hoſtem perſequendo, Civem tru-
cidarunt, triumphos per ſuorum computaturi infortu-
nia

nia, sub Tuo milite tentorio non magis hostis exitium, quam Patria asylum habuit. Et licet ipse Phœnix Heroum es, ita in avito Nominis Tui decore turbidò illo Cœli Patrii tempore, Protectricem sensit Polonia, in *Ja--strzëbiec* Aquilam, non accipitrem. Dii Te igitur Religionis zelo tutandæ conservent Patriæ, Jurium integritati, militiæ robori, omnium demum solatio. Tamdiu verò insignis circumvolet Sceptra & Curules Ales Tuus, donec Fortunæ exceptus manu Throno subsideat vicinus.

Iteratò gressu Lechici Areopagi Solo impressa per-
mitte adorari Avitæ *Silvæ* vestigia, Illustrissime Reve-
rendissime JOSEPH EIWANSKI, Gnesnensis Canonice
Cellissimi TRIBUNALIS REGNI Vice-PRÆSIDENS
Ad secundissimos in hac Themidis arena passus, Fortu-
na Lechiæ es, ideoque à nobis reverenter habenda. Re-
petitis vicibus Deputatus ad Stubam Judex, multiplicas
Te usibus Patriæ, & non tantum Tutelari Nominis Ety-
mò, sed etiam meritorum in Rempublicam auge accre-
scens es, meò votò: utinam ultra celsitudines usque, ad
Honoris Eminentiam, ut post emensos in Vice-Regia
Majestatem Titulos, tandem Prorex Poloniæ JOSEPHUS
adoreris. Utique spes Oratorii voti in flore est: Divi-
nissimi Indigetis Tui Lilia SZEMBECIORUM Pæstano,
Ortùs Illustrissimi implantavit Lucina. Sanguinis vin-
culo PRIMATI Purpurarum Flori innexuit *Rosis*; erit,
ubi post violas etiam inter *Rosinos* Purpuratosque trans-
feraris Patres, Sacri muricis Flos & Corona.

Nescit sinistram Belli aleam Sors Lechiæ quoties e-
ludit pericula ad *Roch* Avitum Illustr. & Reverend. SAMU-
ELIS GLOWINSKI, Hebronensis Antistitis, Leopoliensis
Suffraganei. Habet Patria Dignitatum & Fortunæ
gradus intra nativa Nominis istius decora ac uti his inni-
xa immunis à casu, ita certior secundi ad fastigium Glo-
riæ ascentus. Domus hæc festivior quædam Honoris A-
ra est Sacræ & amænioris purpuræ gentilitiis candidata
Liliis, floridò Prædecessorum Senatu, & vere quodam
coronata trabearum.

Litem hodie coram Te Judice institui audio, de A-
C2 vita

vultu *Arbere* Tua Illustr. & Reverend. KRESKI, Cantor Ca-
thedralis Cracoviensis. Hic illam Architectus Honor
Tui *Arbere* in Cathedram meritis, illic Mercuri-
us suum esse vendicat, quæ jure meritò Porphyrij est,
una ex Academi nemoribus, folia explicans in volumi-
na, digna quæ laureas coronet in Te Romano Doctore.
Et certe coronabit etiam Patriæ desideria, quæ fructu
pretiosa aureo, excubantis pro se tanquam pro Regni æ-
rario Aviti Molossi, tuta vigiliis.

Superavit divitis ostia Nili Tuus Regnator aquarū
Fluvius Illustr. & Reverend. TRZEBINSKI, Cathedralis
Cracoviensis Canonice. Habet ingens in Avito *Srze-
nia* va Tuo Altum Dignitas, portum Fortuna Patriæ, at
nec suō caruit profundo modestia cum toties Palinurus
Honor, remoram in gentilitio offendit flumine, quoties
remis velisque Fortune cherariam Tui appellentis ad
litus decoris, gloriæ conatibus effugisti. Me tamē
Judice sequatur fugientem, & Præsuleis Te reddat tor-
quilbur vindex Honor, constringat purpurā, aliis ad e-
xemplum.

Illustrissimi *Vladislavien*sis Capituli frumentum ele-
ctum quia es; in Domo panis bene meritorum, sub Avi-
to *Arbero* Tuo reponi debueras Illustr. & Reverend. MI-
ŁACZEWSKI, Vladislavienſis Canonice. Augusta Pe-
netralia quæ domator incolit fastus, *Milaczew* invidet
tis minimè: potior Vobis Honoris Regia Gentilitij *Lesz-
czyk* Acervus est; idest Templum Cereris, tot Tutela-
ribus Poloniæ Sacrum Numinibus, quot Nominis Illu-
strissimi viris. Habet hic post tot publicos motus quie-
tem Polonia. Aram pietas, asylum Justitia. Ponat &
Tuam (quam mereris) Cathedram Dignitas.

Antequam portum, jam cor omnium attigit Avitus
Tui *Łozia* Illustr. & Reverend. OPALINSKI, Poſnani-
ensis Canonice. Etiam hinc Absens non potes non vi-
deri Celsissimus cum alto Dignitatum & Nominis Tui
specteris fastigio. Noscitur à longè velis distincta pur-
pureis Tua meritorum pretiis onusta argo. Cum verò
[mihi beatam] vultus Tui Visionem non merear, cul-
tui quoque prono Tuarum difficilior plantarum aditus;
sua-

Absens Sal-
tatur.

suadæ proinde meæ venturi adorâsse famam, inter summa esto. Cum ita Te Honor pinxit publicus, quasi de facie nosceremus, ita natus adumbravit splendor, ut non possis non spectari in lucis auge, velut Sol ~~in~~ in radiis, etiam cum elevatior, terris abesse putatur.

Si Tibi Alexandri Nomen Illustr. & Reverend. MO-
KRANOWSKI, Canonice Plocensis. Cælorum negâ-
set Providentia, adhuc velut Cæsar suô calamô, ita pro-
priô armorum Tuorum Stylo, summus meritis erga Pa-
triam scribereris Alexander. Cælis ternæ & terris in
Bogoriano decore obvertuntur cui pides, nimirum quod
pro Aris & focis pro Cælo & Solo patrio, in Hostem to-
ties in Tuis volârunt Majoribus. Securitatem igitur
polliceris Lechiæ, quam doctô ingenii, & ad triarium
robur; armorum Tuorum muniisti acumine.

Tutatur Poloniam novus ad Portas pro Patria An-
nibal Avitus, Illustrissimi & Reverendissimi DLUSKI, Ca-
nonici Luceoriensis GRZYMAŁA. Cataphractus He-
ros hic, ita arcet à Patriis mæniis & Domûs ostio peri-
cula; ut simul per eundem Fortunæ pateat, & omni vir-
tuti in Sarmatiam aditus. Referabit idem Portam tri-
umphalem Dignitatibus, ad quam excubitor hætenus ste-
tit honor.

Quia Fortuna Sarmatiæ es; Avitâ Illustrissimi Cul-
mensis Capituli in Lechici Areopagi Regiam veheris
Rotâ Illustr. & Reverend. PLASKOWSKI, Canonice Cul-
mensis, Præposite Sztumensis, Officialis Mariæburgensis.
Ut verò in Te uno securitati provideres publicæ, Patri-
am Gentilitiâ Nominis Tui armâsti *Asciâ*, quam ad ter-
rorem scelerum vindex ferrum, Justitiæ intulisti Sacra-
rio. Meô votô Romanos imitare Consules, & Supre-
mis Fascibus non jam tecures sed Patriô polita usu Ar-
ma Domûs Illustrissimæ innecte.

Non jam Jupiter, sed Mars Polonus in Regni tute-
lam habet fulminum Ministram volucrem in Avito *Ja-
szrzebiec* Illustrissimi & Reverendissimi ANTONII PO-
PLAWSKI, Decani Chelmensis. Venator Honor hanc
sibi ad manum Alitem habere voluit, si forte pulsa avola-
verit, non aliter nisi ad Purpurarum illicia redituram.

Ultra Stemmatis Coronam Soleæ bajula Avis hæc pro-
greditur, fastigium meritis quæsitura, quod toties secun-
di pro bono Reipublicæ meruere passus.

*Post sui abitu
Petricoviâ ab-
sens salutatur.* Nuper ex oculorum acie, sed nondum corde abiisti
Illustr. Reverend. ADALBERTE JOSEPHE *de Jakubo-*
vice Toporczyk JAKUBOWSKI, Canonice & Judex
Surrogate Kijoviensis. Etiam post valedictorios Cul-
tus Te sequitur Salutatio, & pedissequa comitatur eun-
tem suada. Si quid floridum de Hortensii haberem
Orator; Heliotropij me induisse naturam arbitrarer; eò:
quod Te Kijovientis Cœli Solem etiam cum lumina cõ-
das, pronò incultus vertice sequar. Gratias tamen æ-
ternas illi debemus momento, quo non sinè Comite Re-
gni Fortuna in Justitiæ Sacrario comparueras. Iniisti
enim armorum Societatem tuendæ Patriæ, postquam A-
vitam Tuam *Asciam* Themidis junxisti Gladio. Inne-
ctatur hæc summis Fascibus, cum Oratoriæ ^{vero} periodi Sphæ-
ram, Virtutum Majestate excedas, ambient Te Cathe-
dræ, Gentilitiæ Tux *Asciæ* Fabrica, ac sis Tuæ Fortunæ
Faber.

Post Sacra Nomina primus inter Lechicæ Fortunæ,
Securitatis Aslertores occurris excurrenti in plausus Sua-
dæ Illustrissime Excellentissime STANISLAE KOST-
KA LETOWSKI, Subdapifer Cracoviensis, Judex Ca-
strensis, Biecentis. Desponsasti Te Sorti Patriæ, Avitò
Domûs *Annulo* postquam orbe vastius effecisti Nomen
Tuum, ut jam credi Vatum possit oraculo: *Annulus* Or-
bis erat. Quanti Sitis Letowij? ad Jordanowianas *Tubas*
in Senatorio Sanguine Illustrissima Consorte Tua No-
minis preco Fama, Vos decantavit. Postquam in Or-
bem *Annuli* Vestri traxistis fere universum, etiam Cœ-
los Tibi fecisti affines, dum Tutelarem Poloniæ *Kostkam*
ad Tui pectoris Augustal transtulisti, in Ara Cordis loca-
sti, & gemmam acclusisti Conchilio.

Profluis ex purpureo *Druzorum* Sanguinis fonte, id-
est Poloniarum Piscaria, unio ad Coronam, gemma ad
Senatum Illustr. Excellent. PISARSKI, Thesaurarie Cra-
coviensis, Olbromensis Capitaneæ. Gratia sint immor-
tales Cœlorum Providentiæ, quæ meritis, & generis an-
tiqui-

tiquitate venerandum *Druzorum* Nomen, illam Romanorum Numinum potius quam hominum posteritatem, Sæculis ad ideam Candoris, in Avito *Druzyna* velut in illimi Fonte, & Lympharum Cryſtallo, vivam Heroici pectoris imaginem, in Te reliquerunt.

Insulas appellit fortunatas, quoties Sortem vehit Patriæ, honoris Oneraria Illustr. Excel. *POKLEKOWSKI*, Castrensis Syradiensis Notarii Prora. O! quot Syrtibus alliderentur Jasonum Lechicorum rates, velus etiam aureum, Trabeatas Substantias, in discrimen, quodammodo litigantibus inter se commissuræ fluctibus; nisi hoc Securæ insititore rideret decumanos periculorum vortices, universa Polonia, in cujus Suppetias remis Avitæ Navis velisque properantem, etiam meritorum Notariæ, toties juvarunt pennæ, ut volare in publicos diceretur; usus.

Secura à Casu lubricum non timebit planta Patriæ, ad Illustr. Excellnt. *CZAYKOWSKI*, Thesaurarii Lanciciensis Soleam, tersam continuis Reipublicæ usibus, præclaris politam muniis. Altis illius per merita pallibus, radiis Czaykovianæ virtutis Nomen Splendidissimum, non unam Principem in Polonia subintravit ædem & Patrios quoque Penates, Domus suæ inquilina fecit Numina, postquam hæc in gloriæ Sux partes nexu traxit Sanguinis. Restat ut sicut olim sui labores Herculem ita Avitus *Ales* pro Patria obeundis impensam Conatibus Soleam, locet inter Sydera, aram triumphalem Heroi animo erecturus.

Harpocratem agere Tullius Cogitur, quoties Avitis Illustr. Excellen. *KRAKOWSKI* Vielunensis Tribuni Tubis in elogia comparet accitus. Vocale per se Nomen est, quod toties magnarum preco virtutum fama decantavit ad lituum. Pleno ore loquuntur merita, & ipsa pro Domo Illustrissima agunt Oratorem. Per Vielunensis Terræ Compita sonat Gloriæ Echo & Orbi se se insinuat Sarmatico, ut constet vel ex ipsa famæ magnitudine quanti sint meritis *KRAKOWII*, ad quorum lituos triumphat Patria.

Illu-

Illustr. Excell. WILKANOWSKI, Terrestris Lanciciensis Notarii etiam Honor Notarii functus Officio. Implevit fastos, obruit volumina, refertissimos fecit Annales Nominis istius Eminentiae. Quos Senatorio notavit Sanguine distinxit Purpuris. Omniumque consuluit memoriae, quod Avita WILKANOWSCIORUM *Sagitta* In altissimos semper contendit Honorum gradus, Summa Dignitatum tenuit fastigia, omne meritorum Sublime emensa ut Secum Patriam erigeret.

Pavebat semper hostis ad Classicum Avitarum *Tubarum* Illustr. Excel. MOROCHOWSKI, Castrensis Lanciciensis Notarij; In omni arena triumphum cecinit Domus Illustrissimae Fama, bello paceque bene, audit, & quae Regum Principumque toties aurem meruerat, Cor etiam omnium occupavit, animos possedit. Ipsa tantummodo scelerum temeritas odit in Avito decore hunc Virtutum concentum, morum harmoniam. Nimirum disparent & condemnari se permittunt vitia, quoties MOROCHOWSCIORUM *Tuba* vocantur ad Judicium.

Ferae Leonesque praesunt alibi, qui Regna tutantur & Provincias; Coelestes vero Genios Tutelares habet, inter Avita *Arma* Kijoviensis Palatinatus. Unus ex his es Illustr. Excel. NICODEME CASIMIRE in *Szumsko* WORONICZ, Vexillifer Ovrucensis, Vice-Palatine Judicialis Generalatus Kijoviensis, Capitanee Ostrzencensis. Angelum Te dixi? certe Custos es à limitibus; Regni nostri animae, libertatis Tutor. Tuæ bonorum jacturae (quam nuper etiam vitae prodigus Tutandae impendisti Patriae) Suam debet integritatem concivium fortuna; hæc ne cum libertate caderet Tu obstabas. Collabentes res Poloniae erecturus. Atlantem animum hunc Succollandae natum Patriae, unà cum heroico traxisti Sanguine ex meritis & Virtutum Splendore Illustrissimo JOANNE SAMUELE WORONICZ Kijoviensi Dapifero Progenitore Tuo. Cujus viva Imago es, ita ut morum Comitas, animi Candor probet Te JOANNIS, idest Gratiarum Filium. Certè ad omnium natus es Gratias. Ingens Poloniae Thesaurus A-

viti *Herburt* Tui Pomum, Tuorum pretiô aureum, uti hosti nunquam non malum, ita Regibus etiam, fuit ad delicias. Si enim Judex Illustrissime ab Oratore patris Crysim? dicam! Supra Balticum mare illud piscatus es in turbido; nempè sub illam armorum in Regno tempestatem, Sarmatiæ inter & Prussiæ limites Cor Regum rapuisti Solus, occupasti amoris Regiam, unus omnes possedisti affectus, fidus illius Principis in miserabili Statu Poloniæ Achates, velut in excidiô Trojæ Æneas. Regum proinde deliciæ es. Utinam vero sicut Cordi Domesticus; ita Majestati vicinus adoreris.

Avita Illustr. Exc. LUDOVICI PODHORODYNSKI, Castrensis Volodimirienſis Notarii flumina Oratorum Castalis sunt. Ubi Lechicæ fortunæ vehitur oneraria, contra Scyllarum latratus suavi loquuntur murmure, & vel ita Patria pro Domo idest Purpureo Ortus sui fonte agunt Oratorem. Nec aliam patiuntur arenam, nisi quâ Mars usurpet hostium tumulis distinguendis, aut erudita Pallas magnis pro Republica Characteribus. Atomos foveant montibus æquales, non quod inflatis consent punctis, sed quod meritorum æquè ac Magnorum Nominum Contiguitas honoris Cauſet Eminentiam.

Ad meritorum Coronam Triumphali procedis Appiâ LOS, Illustr. Excel. Czerwonogrodensis Vexillifer. Calcatoſ Hostium gladios Majorum Tuorum testantur vestigia, toties defixa firmiter, quoties pro avitis, & tota Religione adamatis Crucibus Solea trivit hostem & iter. Viam hæc procedat Crucis, idest omni benedictione prosperam, donec pedissequus honor altis Soleæ insiſtat vestiſiis.

Aras armasti Themidis postquam his avitum immolaſti *Unicornem* Illustr. Excel. MARKOWSKI, Notarie Terreſtris Podoliæ, Dzwinoſrodensis Capitaneæ. Timent Scelera ingenii Tui & armorum acumen. Capite Gentilitius Tuus *Boncza* metuendus magis quàm ferreum Spirantes Martem bellici Arietes. Nimirum vel Sola decifio Magni Judicis Scelus exanimat, Notarij ſtylus Calami proſcribit nefas omne, de Regno ſimul & vita.

Gloriæ Tuæ Argumentum non ab Oratorum Stylo sed à Gentilitii *Boncza* habet acumine Illustr. Excellentissime SKARZYNSKI, Tribune Gostynensis. Nimirum illud Solum Tuis dignum meritis elogium est, quod Tuum est Tibi Domesticum. Ferarum etiam animos Tuo militare fecisti honori, coegisti in Domûs Tuæ præsidium, certe Leones externos non timebis Polonia, Avitis SKARZYNSCIORUM tuta armis.

Phænicem Heroum Domus Tua in Avito *Jastrzebiec* habet Illustr. Excel. BRATOSZEWSKI Castrensis Gostynensis Judex. Bonis Avibus Prædecessores Tui in Hostium volarunt Aquilas hac Præduce Alite. Nec poterant Sublime non tenere Gloriæ, chalybeo etiam graves Marte Majores Tui, postquam in Gentilitio decore Suppeditasset alas amor Patrius.

Quantæ Proceritatis *Godziembarum Arbor* sit ex Te fructu colligimus Illustrissime Excellent. PAULE de *Lubraniec* DABSKI, Brestensis Cujaviæ Vexillifer. Explicat Sese illa viris Tui Nominis Triumphanti Patriæ in laureas, & quodlibet folium Regale est. Ternæ hanc attollunt frondes, nimirum, quod festior dignitas habeat in Vobis Aras, fulcrum Patria, Domûs Illustrissimæ Gloria, Colossus. Dodonæ etiam Quercus frustra roboris firmatæ Nomine ad brumæ frigora cum foliis amittunt vultum; *Godziemba* Vestri immortalitatem, perpetuus in Reipublicæ munis viror probat, cum in nova Se se explicat ornamenta, semperque renata Nobilitate viret.

Cælo inferri poteris à Polo orta Polonia Illustrissimi Excellentissimi JOSEPHI de *Skrzynno* DUNIN KARWICKI, Opocnensis Pincernæ, Aviti *Cygni* Tuum Sublime ferent ad Sydera Nomen, & Solis penetrabis Regiam illo olore Præduce; cui nullum ad fastigia iter invium. Vatum fide, in Stellarum ille transcriptus consortium, postquam angustum Terrarum Orbem KARWICCIORUM Famæ conspexisset. Non tamen

Solum deseruit Patrium Princeps æmulatus luminare
quò eminentius; eò magis anticum Sublunaribus. Can-
tator ergo *Cygnus* toties Celeusmata concinet, quoties
inter bellorum fluctus Patriæ Fortunam viderit trium-
phantem.

Et jam, Lechiæ Triumphos, in Vobis, Patriæ,
Fortunæ, Securitatem in Asylo Justitiæ, Triumphantem
Poloniam sub Judiciorum Vestrorum Securitate, Spei
Publicæ Compendium in utroque adoravi Collegio.
Vos meritis & Pallade Summi Judices, Suadæ temeri-
tatem cum in concinno (quia ad Vestri ingressum ob-
vio) comparentis Stylo absolvite. Coram Achille de
Armis & Securitate disceptantem me, verbo destituit of-
ficiū. Vice-Regiæ Majestatis Vestræ reverentialis
timor, Solutum aliās, ligavit Oratorem, utinam vel ita
Vestris mancipatum Obsequiis. Qui vero robur estis
Triumphantis inter pericula Poloniæ etiam Polonæ
Societati Asylum fieri non dedignemini. Pro Cunis,
in Clypeo educati Sarmatæ cor Marti amicum ge-
ritis? ab hoc Militem **I G N A T I U M**,
non excludite.



